

АКАЖЕ имне дене шупшыктен, ШУЖАРЖЕ эн сай почтальон ЛҮМЫМ сулен

Ола ден поселко, ял ден села уремлаште кажне кечынак кугу, неле сумкам ваче гочшо нумалше ўдырамашым, а кокланже пўрњенымат, ужаш логалеш. Тиде — мыланна куан да вучымо уверым, йўратыме газет ден журналым нумалше почтальон. Почта пашаеным кажне суртышто вученак шогат, тудын деч посна йокрокынат чучеш, тудо мемнан илышнан ойыраш лийдыме ужашышкыже савырнен.

МОРКО поселкышто акак-шўжарак Елизавета Александровна Александрова ден Антонина Александровна Никифоровам палыдыме енге укеат, очыни. Овдасола ялын ўдыржў-влакым илыш пўрымаш эше мўндыр 1954 ийыштак Моркышко конден. Пел курым ончычак нунын илышышт почта дене кылдалтын да тачат нуно дланак ўшанле кодыт. Елизавета Александровнан икымше гана почтыш толмыж годем газет ден журналым, посылкым, моло корреспонденцийым имне дене шупшыктеныт. Кумло ийыш тошкалше чулым ўдырамашлан иканаште ныл имньым кучыктен пуэныт. Тудым ончаш да тыгодымак кум ялыш — Ердўр, Йыр да Азьялыш — корреспонденцийым намиен шукташ кўлын. Ял гыч толшо енын илыме вержат лийын

мешак-влак киеныт, туштыжо пенсионер-влаккан оксат лийын. Ала-могай Юмыжо утарен коден, — шинчавўд йўре шарналта ончычсо почта пашаен.

Эше шуко лўдаш таратыше историйыш логалашыже пернен Елизавета Александровналан. Морко — Керебеляк корныжым мыняр гана эртен, имне тер почеш йолынат ошкедаш пернен. Йоча-влакат, орадыланен, орважымат кумыктен шуэныт, лавыра корнышто шўрынат йўрлын, почешат поктеныт — садак пашалан ўшанле ўдырамаш почта деч ойырлен огыл.

— Почта отделений вуйлатыше-влак «тиде ўдырамаш паша огыл, тыйын шўмет кўжгў да чытет» манынат ойленыт. А мом ыштет, пашам ойыркалаш верештын огыл. Кандашымше классыш Кожлаерыш кайышым, сентябрьжым тунем лектым, ок-



ийготат шке черетшым вучен шуктен. Ынде илыме верат уло, шудо сарай шукертак мондалтын, шке пўрт, озанлык, еш. Но илышат ончыко чыма, имньым машина алмаштен, пашаче ки-

Тыге акак-шўжарак Лиза ден Тонян паша корнышт уэш ушнен. Эн ончыч вашталтыше почтальон семын тыршен, вара бригадирышкат кўзыктеныт. Антонина Александровнат ака-



огыл, кенеж гоч шудо сарайыште йўдым эртарен, имным пукшен-йўктен ситарымеке, шкеже кинде шултыш ден шинчалым кочкын. Эсогыл шолтен кочкашат йон лийын огыл. Вара иже, йыгылен-йыгылен йодмеке, изирак леваш гайым чонген пуэныт. Тунам тудыжат пеш шергын чучын. Почтын пашаже куштылгак огыл. Йўр ма лавыра, чатлама йўштö але озыркан поран — кажне суртышко серышым, газетым, пенсий оксам да посылкым намиен шуктыман.

— Нигунам ом мондо Кораксола корнышто лийше сүретым. Велосипедым кушкыжын, чодыра гыч ик пöрвен ваштарешем лектын шогале, корнем авырыш да шырпым йодо. Йöра эше вашмутымат муын моштенам. «Почешемак машина дене начальник толеш, тудо пуа», — маньымат, лүдмыж дене мөнгеш чодырашке шыле. Орва тич посылка да почта

тябрь шуат, шүдö витле тенгем йодаш тўналыч. А мыйын тўлаш окса лийын огыл. Тиде амал денак школым коден каяш верештын. Сар жап ыле. Мыйымат окопым кўнчаш каяш спискыш пуртеныт. Каенам пашашке, тыршенам. Ен деч шуқырак ыштымем окса налме годым раш палдырныш. А мыйнимом шижын омыл, эре пашам пытараш толашенам, — шарнымаш пасушто коштеш почта пашалан шўман айдеме.

Теле гоч Елизавета Александровна почтым шупшыктен, а кенеж шумеке, тудым пöрвен дене тöр линейышке колтеныт. Телефон менгым шупшын нöлтеныт, воштырым шупшаш ямдыленыт. Самолет дене кондымо корреспонденцийым вашлияшат лач тореш мутым палыдыме ўдырамашланак ўшаненыт.

Тыге газет да письма коллаште кече почеш кече эртен, талук талукым поктен, пенсий

машина алмаштен, пашаче кидат утыш лекташ тўналын. Елизавета Александровнан койышыжым пален, тудлан витле вич ий деч вара телеграфыште телеграммым нумалшын пашажым темлат. Пенсийыш лекмеке, эше латкум ий чулым ўдырамаш Морко поселкысо калыкым куан увер дене йывырыктен, конешне, южгунамже кочо телеграммымат кучыкташ логалын.

Адакат илышын вашталтмыже почтальонын пўрымашыжым весемден. Пашаен-влакын штатышт иземме амал дене Елизавета Александровнанан йöратыме сомылжым кодашыже вереште. Кум тылзын йўдшö ден кечыже-влак икгай пычкемышын чучыныт, а вара тунемалтын. Кызыт тудлан кандашлу ий темеш гынат, почта деч ойырлымыжо гай огеш чуч. Вет шочмо шўжарже почтальонын сомылжым шуктен шога. Тудат эше 1959 ийыштак акаж почеш почтыш толын. Но идалыкат пеле гыч стройка шке куатше дене сымстарен, да латик ий Антонина Александровна Никифорова каменщикын, штукатур-малярын сомылжым шуктен. Витне, пўрымашын вийже улак. 1971 ийыште жаплан отпускыш кайыше ен олмеш строитель-ўдырамаш телеграммым нумалаш келшен. Вуйлатыше-влак пашам сайын шуктышо ўдырамашым шекланен шуктенытат, Антонина Александровнам тышанак кодаш йодыныт. Тура йылмыж дене тудо «Почтальонлан гын кодам ыле, телеграммым нумалаш ом келше» вавештен да чыла шуэн каен. Тунамак почешыже почта пашаен толын да почтальонлан келшаш йодын.

Антонина Александровнат акаже семынак пенсий ийгот марте кўлешан да суапле сомыллан илышыжым пöлеклен. Ийгот шумеке, бригадырын пашажым весылан кусараш шкеак йодын, а почтальон гыч коранын огыл, тугак Морко поселкын уремлаштыже тудым кугу сумкам нумалшым ужыт, тугак тудым чон вургыж вучат. Кажне учрежденийыште, кажне суртышто палат да изижге-кугужге «Тоня ака» манын лўмдат. Пашаче енлан егын пагалымашыжак эн шерге огыл мо? Кудло кум ияш почтальонкылан ўмаште, Россий почта пашаен-влакын кечышт вашеш, «Республикын эн сай почтальонжо» почетан званийым пуэныт. Пашаште профессионализм ончыктымжлан да кўкшö лектышыш шумыжлан диплом дене пырля фотоаппаратым кучыктеныт. Антонина Александровнан изи эргыжат почта пашам «тамлен» ончен. Кокаже корреспонденцийым имне дене шупшыктен гын, шўжарын эргыже тудым машина дене связь отделенийлашке шуктен. Самырык ен у деч уым кычалшаш, тиде амал денак почта гыч Олег йўдвел мландыш лупшалтын. Мо-гынат, ешыште йўлашке савырныше сомылым ышташ пиал логалын. Сандене Никифоровмыт ешыште шкешотан династий нергенат ойлаш лиеш.

Е.МУЗУРОВА.

Снимкылаште: акак-шўжарак Антонина Никифорова ден Елизавета Александрова (шола гыч пурлашке); «Республикын эн сай почтальонжо» А.Никифорова пашашке каяш ямдылалтеш.

(Фотом еш альбом гыч налме.)